



Br: 01/NA-3/12

Phoenix, AZ: Ša'ban 29, 1433. god. po H.,
Juli 19, 2012. godine

Imami i Predstavnici džemata

Predmet: Predramazanska poruka Glavnog imama

Esselamu alejkum dragi Bošnjaci i Bošnjakinje,

U petak 20. Jula 2012. god. nastupa ovogodišnji mubarek mjesec Ramazan-i-Šerif. Ovaj Ramazan, kao i još nekoliko narednih Ramazana nastupaju i traju kada su dani najduži i kada je post teži i zahtjevniji. Post u mjesecu Ramazanu je veoma zahtjevan, ali vjernika ispunjava radošću i zadovoljstvom što ga je dočekao. U njemu će dovoditi svoje tjelesne potrebe u kušnju, ali će postom jačati svoju duhovnost, karakter, moralnu snagu i čistoću kao i spremnost na odricanja.

Ramazan nas podsjeća na važne događaje i vjerske obaveze; u mjesecu Ramazanu otpočelo je objavljivanje Kur'ana, u tom mjesecu muslimanima je naređen post kao jedan od temelja Islama; u ovom mjesecu kroz zekat i sadekatul-fitr čistimo svoju imovinu vodeći brigu o onima kojima je pomoć potrebna.

U mjesecu Ramazanu Allah dželle šanuhu je počeo s objavom Kur'ana Časnog, posljednje Božije objave, a objava Kur'ana simbolizira i podstiče pobožnost, obrazovanje i prosvjetu općenito, pa smo našu obavezu prema Kur'anu u ovome mjesecu dužni pojačati, češće se s njime družiti te što više Kur'anske poruke, upute i savjete prihvatati i primjenjivati.

Postom, tom najvećom školom bogobožnosti, pobožnosti, iskrenosti, privrženosti i odanosti Allahu dž.š., učimo se izdržljivosti, strpljivosti, ustrajnosti, moralnosti i solidarnosti, liječeći dušu od egoizma, pohlepe, mržnje, zlobe, nepotrebnog govora i sličnih ružnih navika.

Ramazan je vrijeme kada se putem zekata, sadekatul-fitra i sadake čisti naš imetak i tako iskazuje briga za siromašne, nemoćne, jetime, te pomaže svoj džemat i zajednica. To su davanja kojima dobivamo, a ne gubimo.

Pozivam imame i predsjednike džemata da zajedno sa džematlijama što bolje i potpunije organizuju ramazanske aktivnosti u svojim džematima, da ljudima olakšavamo i da ih obveseljavamo nagradom koju Allah dž.š. obećava za trud i napor koji ulažu u blagoslovljenom Ramazanu. Molim Allaha dž.š. da nastupajući Ramazan oplemeni i preporodi naša srca i duše i osvjetli plemenite ciljeve u životu.

Zamolimo Allaha dž.š. da nam oprostí naše grijehé, da uveća naš imetak i da nas sačuva svih vrsta zala, da ispostimo Ramazan u svakom dobru, zdravlju i u najljepšoj pobožnosti. Amin ja erhamer-rahimin.

Ramazán Šerif Mubarek Olsun

Uz mahsuz selam,

Mr. Sabahudin ef. Ćeman



Glavni Imam

Islamska Zajednica Bošnjaka Sjeverne Amerike